

GRIMM  
CULTURE

# 曾国藩全集

〔清〕曾国藩 著

河北人民出版社

初名子城，字伯涵，号涤生，谥文正。  
湘军的创立者和统帅。清朝战略家、政治家。  
两江总督、直隶总督、武英殿大学士，封一等毅勇侯。

# 要览



曾国藩全集

要览

〔清〕曾国藩 著



河北人民出版社

## 图书在版编目 ( CIP ) 数据

曾国藩全集·要览 / (清) 曾国藩著. — 石家庄: 河北人民出版社, 2016.9  
ISBN 978-7-202-11183-3

I . ①曾… II . ①曾… III . ①曾国藩 ( 1811 ~ 1872 ) — 全集  
②曾国藩 ( 1811 ~ 1872 ) — 生平事迹 IV . ① Z425.2 ② K827=52

中国版本图书馆 CIP 数据核字 (2016) 第 074319 号

---

书 名	曾国藩全集 要览 ZENGGUOFAN QUANJI YAOLAN
著 者	[清]曾国藩

---

责任编辑	马 丽 张静中
美术编辑	李 欣
责任校对	付敬华
版式设计	俊书装
封面设计	Dh2o

---

出版发行	河北人民出版社 ( 石家庄市友谊北大街 330 号 )
印 刷	山东泰安新华印务有限责任公司
开 本	787 毫米 × 1092 毫米 1/16
印 张	23.75
字 数	325 000
版 次	2016 年 9 月第 1 版      2016 年 9 月第 1 次印刷
印 数	1-5 000
书 号	ISBN 978-7-202-11183-3 /K · 1173
定 价	49.00 元

---

版权所有      翻印必究



## 功 业

功业 .....	1
上谕一 .....	2
上谕二 .....	2
上谕三 .....	3
谕赐祭文一 .....	3
谕赐祭文二 .....	4
谕赐入祀贤良祠祭文 .....	5
御制碑文 .....	5
国史本传 .....	6
江苏巡抚查明事迹疏 .....	22
安徽巡抚请建祠疏 .....	26
湖广总督请建祠疏 .....	27
江西巡抚请建祠疏 .....	30
直隶总督请建祠天津疏 .....	32
直隶总督请建祠保定疏 .....	32
神道碑 .....	33

墓志铭 ..... 36

## 事 略

卷一 .....	41
耕读传家 .....	42
道光二十三年至道光三十年 .....	44
咸丰元年 .....	45
咸丰二年 .....	45
咸丰三年 .....	46
咸丰四年 .....	48
咸丰五年 .....	55
咸丰六年 .....	59
卷二 .....	63
咸丰七年 .....	64
咸丰八年 .....	66
咸丰九年 .....	67
咸丰十年 .....	70
咸丰十一年 .....	72
同治元年 .....	86
卷三 .....	89
同治二年 .....	90
同治三年 .....	100
卷四 .....	117
同治四年 .....	118

同治五年 .....	119
同治六年 .....	121
同治七年 .....	121
同治八年 .....	124
同治九年 .....	126
同治十年 .....	129
同治十一年 .....	130

## 年 谱

卷一 .....	137
卷二 .....	161
卷三 .....	173
卷四 .....	193
卷五 .....	219
卷六 .....	235
卷七 .....	259
卷八 .....	273
卷九 .....	293
卷十 .....	321
卷十一 .....	335
卷十二 .....	357

功  
业

## 上谕一

同治十一年二月十二日，内阁奉上谕：大学士两江总督曾国藩，学问纯粹，器识宏深，秉性忠诚，持躬清正。由翰林院蒙宣宗成皇帝特达之知，存升卿贰。咸丰三年间，创立楚军，剿办粤匪，转战数省，迭著勋劳。文宗显皇帝优加擢用，补授两江总督，命为钦差大臣，督办军务。朕御极后，简任纶扉，深资倚任，东南底定，厥功最多。江宁之捷，特加恩赏，给一等毅勇侯，世袭罔替，并赏戴双眼花翎。历任兼圻于地方，利病尽心筹画。老臣硕望，实为股肱心膂之臣。方冀克享遐龄，长承恩眷。兹闻溘逝，震悼良深。

老臣硕望，实为股肱心膂之臣。

曾国藩著追赠太傅，照大学士例，赐恤赏银三千两治丧，由江宁藩库发给。赐祭一坛，派穆腾阿前往致祭。加恩予谥文正，入祀京师昭忠祠、贤良祠，并于湖南原籍、江宁省城，建立专祠。其生平政迹事实宣付史馆。任内一切处分，悉予开复。应得恤典该衙门察例具奏。灵柩回籍时，著沿途地方官妥为照料。其一等侯爵即著伊子曾纪泽承袭，毋庸带领引见。其余子孙几人，着何璟查明具奏，候旨施恩，用示笃念忠良至意。钦此。

## 上谕二

同治十一年二月十八日，奉上谕：前据穆腾阿等并梅启照同日奏到，曾国藩因病出缺，当降旨优予恤典，并于湖南原籍、江宁省城建立专祠。生平政迹事实宣付史馆。一等侯爵即著伊子曾纪泽承袭，其余子孙几人，令何璟查明具奏，候旨施恩。兹据何璟历陈，曾国藩公忠诚体国，懋著贤劳，览奏尤增悼惜。何璟原折著暂行留中，即将该故督之孙何名、年岁若干，查明具奏，再



降谕旨。钦此。

### 上谕三

同治十一年四月二十八日，奉上谕：大学士两江总督曾国藩，于本年二月间因病出缺，当降旨优予恤典，并于湖南原籍、江宁省城建立专祠，生平政迹事实宜付史馆。一等侯爵，即令伊子曾纪泽承袭。其余子孙几人，令何璟查明具奏，候旨施恩。旋据何璟、英翰、李瀚章先后胪陈曾国藩历年勋绩。英翰、李瀚章并请于安徽、湖北省城建立专祠。

又据何璟遵查该故督子孙，详晰覆奏。披览之余，弥增悼惜。曾国藩器识过人，尽瘁报国。当湘鄂江皖军务棘手之际，倡练水师，矢志灭贼。虽屡经困厄，坚忍卓绝，曾不少渝，卒能万众一心，削平逋寇。功成之后，寅畏小心，始终罔懈。其荐拔贤才，如恐不及，尤得以人事君之义，忠诚克效，功德在民。允宜迭沛恩施，以彰忠荃。曾国藩著于安徽、湖北省城建立专祠。此外，立功省份，并著准一体建祠。伊次子附贡生曾纪鸿，伊孙曾广钧，均著赏给举人，准其一体会试。曾广镛著赏给员外郎，曾广铨著赏给主事，均俟及岁时分部学习行走。何璟、英翰、李瀚章折三件，均著宣付史馆，用示眷念勋臣，有加无已，至意。钦此。

器识过人，尽瘁报国。

### 谕赐祭文一

朕惟功懋，懋赏信圭，表延世之勋。赞襄雕俎，厚饰终之典。爰申罍奠，用贲丝言尔。原任大学士、两江总督、一等毅勇侯、赠太傅曾国藩，赋性忠诚，砥躬清正。起家词馆，屡持节而抡才。存陟卿曹，辄上书而陈善。值皇华之载赋，闻风木而遄归。忽乡邻有斗之频惊，潢池盗弄；懍战阵无勇之非孝，墨经师

赋性忠诚，砥躬清正。

兴。奇功历著于江淮，大名永光乎竹帛。俾正钧衡之位，仍兼军府之尊。一等酬庸，锡侯封于带砺；双轮曳羽，飘翠影于云宵。重锁钥而任北门，百僚是式；还敬戒而惠南国，万众腾欢。方期硕辅之延年，岂意遗章之入告。老成忽谢，震悼良深！颁厚赙于帑金，遗重臣而奠醊；特易名于上谥，赠太傅之崇阶。列祀典于昭忠。贤良，建专祠于金陵、湘渚。彝章载考，初祭特颁。於戏！天不慙遗一老，永怀翊赞于元臣，人可赎兮百身，用寄咨嗟于典册。灵其不昧，尚克歆承！

## 谕赐祭文二

朕惟位兼将相，仗经文纬武之才；气壮山河，懋崇德报功之典。爰陈芳奠，用奖成劳。尔原任大学士、两江总督、一等毅勇侯、赠太傅曾国藩学有本原，器成远大，忠诚体国，节劲凌霜，正直律躬，心清盟水。初联班于玉署，芸省蜚声；旋献赋于銮坡，芝坊晋秩。叠司文柄，先蜀郡而后洪都；频进说言，因疾风而知劲草。卿阶超擢，荷先朝特达之知；忠悃弥摅，笃臣子靖共之谊。乃乘轺而奉使，旋持服以去官。值粤逆之纷来，遂楚军之创立。援墨经从戎之义，俾移孝以作忠；励丹心报国之诚，每出奇而制胜。选将不拘常格，募壮士于三科；分军屡拔逆巢，慑长城于万里。秩隆总制，节授专征。洎朕宝祚诞膺，皖江告捷。特晋钧衡之位，仍持旄钺之权。扫穴擒渠，告成功于建业；酬庸锡爵，膺懋赏于通侯。叠翠羽以增辉，赉黄裳而耀采。未几畿疆移节，藉修三接之仪；既因南服需才，仍莅两江之任。方冀长承湛露，恩眷优隆；何期遽陨大星，老成凋谢。览遗章之入奏，震悼良深。

予恤典以从优，哀荣式备。谕重臣而致奠，给国帑以治丧。崇阶赠太傅之衔，秩祀永贤良之誉。并专祠之分建，宜世爵之钦承。特沛丹纶，增光青史；谥为“文正”，允副嘉名。於戏！曰赞黄扉，勋业永思。夫补衮风，凄丹旆。愴怀倍切于骑箕！歆是

学有本原，器成远大，忠诚体国，节劲凌霜，正直律躬，心清盟水。

苾芬，荣兹俎豆！

## 谕赐人祀贤良祠祭文

闻鼓鼙而思将帅，每深良弼之怀，治馨香而感神人，用永明禋之报。崇祠载列，元祀攸隆。尔原任大学士、两江总督、一等毅勇侯、赠太傅曾国藩学蔚儒宗，忠全令德。早入承明之选，玉尺提衡；洊跻卿贰之班，冰壶挈操。历华省而说言屡上，议礼制而正论元阿。迨奉讳以旋湘，乃尽哀而庐墓。值戎车之告警，奋集乡兵。援墨经以誓师，恪遵朝命。勇呼爪士，率长沙子弟以先来；捷奏膚公，挽半壁河山而永定。纶扉懋赞，总制仍兼。双轮扬上将之华，辉增翠羽；一等锡通侯之贵，服称黄桂。延爵赏于后人，畀官衔于太保。节制甫资于北道，旌麾旋转于南方。歌遵渚而人望鸿飞，奠长江而民争蛾伏。范希文以天下自任，志事终酬；李西平为社稷而生，身名俱泰。江淮流惠，草木知名。方倚元老以图功，忽怅台星之敛耀。披章轸恻，厚礼饰终。晋太傅之崇封，易嘉名于上谥。念经天而纬地，斯谓之文；繫辅世而长民，尔身克正。允表贤良于京国，眷怀耆旧于湖湘。庙貌聿新，烝尝罔替。有功德于民则祀，尚念典型，惟俎豆之事尝闻，载颂芬铎。昭兹休渥，式克钦承！

有功德于民则祀。

## 御制碑文

朕惟台衡绩懋，树峻望于三公；钟鼎勋垂，播芳徽于百世。宠颁紫绶，色焕丹珉。尔原任大学士、两江总督、一等毅勇侯、赠太傅曾国藩秉性忠纯，持躬刚正。阐程朱之精蕴，学茂儒宗；储方召之勋猷，器推公辅。登木天而奏赋，清表风规；历芸馆而迁资，诚孚日讲。屡持使节，兼校春闱，洊擢卿班，允谐宗伯。溯建言之直节，荷殊遇于先朝。

凡兹靖献之丹忱，早具忠贞之素志。乃突来夫粤匪，俾训练夫楚师。拔岳郡而克武昌，功如破竹；靖章江而平皖水，威振援枹。两江尊制府之权，九伐重元戎之命。朕丕承基绪，眷念成劳。荣衔特畀以青宫，峻秩更登诸黄阁。辞节制于三省四省，弥见寅恭；精调度于湘军淮军，务严申令。联苏杭为犄角，坚垒同摧；倚昆季为爪牙，逆巢直捣。金陵奏凯，慰皇考知人善任之明；玉诏酬庸，褒元老决胜运筹之略。既折圭而列爵，亦叠翠以飘纓。既而畿辅量移，因之阙廷展覲。汲黯近戆，实推社稷之臣；杨震厚遣，无惭清白之吏。惟是疮痍未复，每廛念乎天南；锁钥攸司，仍遄归于江左。方谓功资坐镇，何期疾遽沦殒！赠太傅而阶崇，祀贤良而誉永。专祠遍祭，世赏优颁。易名以表初终，核实允孚“文正”。於戏！松楸在望，倍怀麟阁之遗型；金石不磨，长荷鸾纶之锡宠。钦兹巽命，峙尔丰碑！

## 国史本传

曾国藩，湖南湘乡人，道光十八年进士，改庶吉士，授检讨。二十三年，大考二等，升侍讲，充四川正考官，文渊阁校理。二十四年，充教习，庶吉士，转侍读。二十五年，历迁右庶子、左庶子、翰林院侍讲学士，充会试同考官，日讲起居注官。二十六年，充文渊阁直阁士。二十七年，大考二等，擢内阁学士，兼礼部侍郎衔。二十八年，稽察中书科。二十九年，擢礼部右侍郎，署兵部左侍郎。

今日所求，惟在用人。

三十年，文宗登极。国藩奏言：今日所当讲求者，惟在用人。人才不乏，欲作育而激扬之，则赖皇上织妙用。有转移之道，有培养之方，有考察之法，三者不可废一。臣观今日京官，办事通病有二，曰退缩，曰琐屑。外官办事通病有二，曰敷衍，曰颟顸。习俗相沿，但求苟安无过，不肯振作有为。将来一遇艰巨，国家必有乏才之患。今遽求振作之才，又恐躁竞者因而幸进。臣愚以为欲令有用之才不出范围之中，莫若使从事于学术，

又必皇上以身作则，乃能操转移风化之本。臣考圣祖登极后，勤勤学问，儒臣逐日进讲，寒暑不辍。召见廷臣，辄与往复讨论。当时人才济济，好学者多。康熙末年，博学伟才，大半皆圣祖教谕成就之。皇上春秋鼎盛，正符圣祖讲学之年。臣请俟二十七月后，举逐日进讲例，四海传播，人人向风。召见臣工，从容论难。见无才者，则勗之以学，以痛惩模棱罢软之习。见有才者，则愈勗之以学，以化其刚愎刻薄之偏。十年以后，人才必大有起色，此转移之道也。内阁、六部、翰林为人才荟萃之地。内而卿相，外而督抚，率出于此。皇上不能一周知也。培养之权，不得不责成堂官。所谓培养有数端，曰教诲，曰甄别，曰保举，曰超擢。堂官于司员，一言嘉奖，则感而图功；片语责惩，则畏而改过，此教诲不可缓也。榛棘不除，则兰蕙减色；害马不去，则骐驎短气，此甄别不可缓也。嘉庆四年、十八年，两次令部院各保司员，此保举成案也。雍正间，甘汝来以主事而赏人参，放知府；嘉庆间，黄钺以主事而充翰林，入南斋，此超擢成案也。

盖尝论之，人才譬若禾稼，堂官之教诲，犹种植耘耔也。甄别去稂莠，保举犹灌溉也。皇上超擢，譬之甘雨时降，苗勃然兴也。堂官时常到署，犹农夫日在田间，乃熟穡事。今各衙门堂官，多内廷行走之员，或累月不到署，自掌印主稿，外司员半不识面。譬之嘉禾稂莠，听其同生同落于畎亩之中，而农夫不问。教诲之法无闻，甄别之例亦废。

近奉明诏保举，又但及外官，不及京秩。培养之道，不尚有未尽者哉！顷岁以来，六部人数日多，或廿年不得补缺，终身不得主稿。内阁、翰林院人数亦三倍于前，往往十年不得一差，不迁一秩。而堂官多直内廷，本难分身入署，又或兼摄两部，管理数处，纵有才德具优者，曾不能邀堂官之顾，又乌能达天子之知？以数千人才，近在眼前，不能加意培养，甚可惜也！臣愚欲请皇上稍为酌量，每部须有三四堂官不入内廷者，令日日到署，与司员相砥砺。翰林掌院，亦须有不直内廷者，与编检相濡染，务使属官之性情心术，长官一周知。皇上不时询问谋也才，谋也直，谋也小知，谋也大知，不特属官优劣粲呈，即长官浅深亦

甄别去稂莠，  
保举犹灌溉  
也。

询事、考言二者兼重。

可互见。旁考参稽，而入衙门之人才同往来圣主之胸中。彼属官者，但令其姓名达于九重，不必升官迁秩而已，感激无地。然后保举之法，甄别之例，次第举行旧章。皇上偶有超擢，则榷楠一升，而草木之精神皆振，此培养之方也。古者询事、考言二者兼重。近来各衙门办事，小者循例，大者请旨，本无才猷可见，莫若于言考之。而召对陈言，天威咫尺，不宜喋喋便佞，则莫若于奏折考之。国家定例，内而九卿科道，外而督抚藩臬，皆有言事之责。各省道员，亦许专折言事。乃十余年间，九卿无一人陈时政得失；司道无一折言地方利病；科道奏疏无一言及主德隆替，无一折弹大臣过失。一时风气，不解其所以然。

本朝以来，匡言主德者如孙嘉淦，以自是规。高宗袁铤，以寡欲规大行皇帝，皆优旨嘉纳纠弹大臣者，如李之芳劾魏裔介，彭鹏劾李光地，后四人皆为名臣，至今传为美谈。直言不讳，未有盛于我朝者也。

人人建言，参互质证。

皇上御极之初，特诏求言而褒答倭仁之谕，臣读之至于怵舞感泣，然犹有过虑者。诚见皇上求言甚切，诸臣纷纷入奏，或条陈庶政，颇多雷同；或弹劾大臣，惧长攻讦。臣愚愿皇上坚持圣意，借奏折为考核人才之具，永不生厌致之心。涉于雷同者，不必交议而已。过于攻讦者，不必发抄而已。此外则但见有益，不见有损。今考九卿贤否，凭召见应对；考科道贤否，凭三年京察；专司道贤否，凭督抚考语。若人人建言，参互质证，岂不更为核实乎？此考察之法也。奏入。谕称其剴切明辨，切中事情，著于百日后举行日讲。国藩条陈日讲事宜：一考定日讲设官之制，二讲官员数，三每日进讲员数，四讲官应用何项人，五定保举讲官之法，六进讲之地，七进讲之仪，八进讲之时，九所讲之书，十陈讲之道，十一覆讲之法，十二纂成讲书，十三讲官体制，十四进讲年数。下部议格不行。

六月署工部左侍郎，元年署刑部右侍郎，充武闱正考官。二年署吏部左侍郎，充江西正考官。丁母忧回籍，粤逆起犯湖南，围长沙不克，窜武昌陷之。连陷沿江郡县，江南大震。十一月二十九日，上特命国藩会同湖南巡抚办理本省团练，搜剿土匪。时

塔齐布尚以都司署抚标参将，国藩奏称其奋勇耐劳，深得民心。并云塔齐布将来如打仗不力，臣甘同罪。请旨奖叙，专令督队剿贼。会贼破金陵，逆流西上，皖鄂郡县相继沦陷。

上以国藩所练乡勇得力，剿匪著有成效，谕令驰赴湖北剿贼。国藩以为贼所以恣意往来者，由长江无官军扼御故也。乃驻衡州造战舰练水军，劝捐助饷。四年正月，督师东下，与贼接战岳州，又战靖港，皆不利。得旨革职，仍准专折奏事。时国藩已遣杨岳斌、彭玉麟与塔齐布合击贼湘潭，大破之，复其城，贼退踞岳州。七月，国藩攻克之，毁其舟。贼浮舟上犯，再破之。遂与塔齐布水陆追击，自城陵矶二百余里，剿洗净尽。赏三品顶戴。九月复武昌、汉阳，尽焚襄河贼舟。赏二品顶戴，署河北巡抚，赏戴花翎。旋以国藩力辞，赏兵部侍郎衔，办理军务，毋容署理巡抚。

国藩建三路进兵策，奏言江汉肃清，贼之回巢抗拒者，多集兴国、蕲州、广济诸属。自巴河至九江，节节皆有贼船。拟塔齐布由南路进攻兴国、大冶。湖北督臣派兵，由北路进攻蕲州、广济，自由江路直下，与陆军相辅为进止。上命如所请行。国藩扬帆向下，连战胜贼。蕲州贼来犯，再破之。会塔齐布复兴国、大冶。时贼以田家镇为巢穴，蕲州为声援，自州至镇四十余里，沿岸筑土城设炮位，对江轰击，横铁锁江上，以阻舟师。南岸半壁山、富池口均大股悍贼驻守，舟楫往来如织。国藩计欲破田镇，当先夺南岸。十月，罗泽南大破贼半壁山，克之。国藩部署诸将分战船四队，一队厄贼上犯，二队备炉剪椎斧前断铁锁。贼炮船护救，三队围击之，沉二艘，贼不敢近。须臾，熔液锁断，贼惊顾失色，率舟遁。四队驶而下，追及于邬穴，东南风大作，贼舟不能行。官军围而焚之，百里内外火光烛天，浮尸蔽江。陆军自半壁山呼而下，悉平田家镇、富池口营垒，蕲州贼遁。是役也，毙贼数万，毁其舟五千，遂与塔齐布复广济、黄海、孔垅口、小池驿，上游江面肃清，进围九江。

十二月，上以国藩调度有方，赏穿黄马褂，赏狐腿黄马褂、白玉搬指、白玉巴图鲁翎管、玉靶、小刀、火镰各一。国藩遣水

军攻湖口、梅家洲，以通江西饷道。大小十余战，锐卒两千人陷入鄱湖，为湖口贼所捍，水军分为两。

五年，贼窜武昌，分股乘夜由小池口袭焚国藩战舰，战失利。越数日，大风复坏舟数十。国藩乃以其余，遣李孟群、彭玉麟及胡林翼所带陆师回援武汉，亲赴江西造船募勇，增立新军，连破贼姑塘、都昌，进攻湖口，大败之。七月，塔齐布卒，国藩驰往九江兼统其军。八月，水兵复湖口。九月，补兵部右侍郎。九江不下，国藩以师久无功，自请严议。上谕曾国藩督带水师，屡著战功。自到九江后，虽未能迅即克复，而鄱湖贼匪已就肃清，所有自请严议之处，著加恩宽免。

六年，贼酋石达开窜江西，郡县多陷。国藩驰赴省城，遣彭玉麟统内湖水师退驻吴城，以固湖防。李元度回剿抚州，以保广信。诸将分扼要地，先后复进贤、建昌、东乡、丰城、饶州，连破抚州、樟树镇、罗溪、瓦山、吴城之贼。会同湖北援师刘腾鸿、曾国华等，大破贼瑞州，复靖安、安义、上高，自江西达两湖之路，赖以无梗。七年正月，复安福、新淦、武宁、瑞昌、德安、奉新，军声大振。不一岁，石逆败遁江西获安，曾国藩力也。

二月十八日丁父忧。上谕曾国藩见在江西，军务正当吃紧。古人墨经从戎，原可夺情，不令回籍。惟念该侍郎素性拘谨，前因母丧未终，授以官职，具折为辞。今丁父忧，若不令其回籍奔丧，非所以遂其孝思。著赏假三个月，回籍治丧。俟假满后，再赴江西督办军务，寻固请终制。

上谕曾国藩本以母忧守制在籍，奉谕帮办团练。当贼氛肆扰鄂皖，即能统带湖南船勇，墨经从戎。数载以来，战功懋著，忠诚耿耿，朝野皆知。伊父曾麟书因闻水师偶挫，又令伊子曾国华带勇远来援应，尤属一门忠义，朕心实深嘉尚。今该侍郎假期将满，陈请终制，并援上年贾桢奏请终制，蒙允之例。览其情词恳切，原属人子不得已之苦心。惟现在江西军务未竣，该侍郎所带楚军，素听指挥，当兹剿贼吃紧，亟应假满回营，力图报效。曾国藩身膺督兵重任，更非贾桢可比。著仍遵前旨，假满后即赴江

古人墨经从戎，原可夺情。



西督办军务；并署兵理部侍郎，以资统率。俟九江克复，江面肃清，朕必赏假，令其回籍营葬，俾得忠孝两全，毫无余憾。该侍郎殚心事主，即以善承伊父教忠报国之诚，当为天下后世所共谅也。

国藩复奏称，江西各营安谧如常，毋庸亲往抚驭，并沥陈才难宏济，心抱不安。奉旨先开兵部侍郎缺，暂行在籍守制，江西如有缓急，即行前赴军营，以资督率。八年五月，奉命办理浙江军务，移师援闽。闽匪分股窜扰江西，遣李元度破之。广丰、玉山、张运兰复安仁时，国藩驻军建昌，东南北三路皆贼。国藩计东路连城，贼势已衰，闽事不足深虑；北路景德镇乃大局所关，又较南路信丰为重，乃遣运兰攻景德镇，萧启江追剿信丰之贼。九年，启江破贼南康，克新城墟池江贼巢，遂复南安，解信丰围。贼窜湖南，将由粤、黔入蜀。国藩随檄启江驰赴吉安，援应湖南运兰复景德镇、浮梁县，江西肃清，余贼窜皖南。国藩奉命防蜀，行至阳逻，奉谕以皖省贼势日张，饬筹议由楚分路剿办。

国藩同驻巴河，筒校军实。因奏言自洪杨内乱，镇江克复，金陵逆首，凶焰久衰。徒以陈玉成往来江北，勾结捻匪，庐州、浦口、三河等处，迭挫我师。遂令皖北之糜烂日广，江南之贼粮不绝。欲廓清诸路，必先破金陵；欲破金陵，必先驻重兵滁和，而后可去江宁之外屏，断芜湖之粮路。欲驻兵滁和，必先围安庆，以破陈逆之老巢，兼捣庐州，以攻陈逆所必救。进兵须分四路：南则循江而下，一由宿松、石牌规安庆，一由太湖、潜山规桐城。北则循山而进，一由英山、霍山攻舒城，一由商城、六安规庐州。南军驻石牌，则与杨岳斌、黄石矶之师联为一气；北军至六安州，则与寿州之师联为一气。国藩请自规安庆，多隆阿、鲍超取桐城，胡林翼取舒城，李续宜规庐州。奏入，上是之。

十年二月，贼酋陈玉成犯太湖，国藩分兵破之。四月赏兵部尚书衔，署两江总督，六月补两江总督，以钦差大臣督办江南军务。七月命皖南军务统归国藩督办。十一年，国藩进驻祁门，督饬杨岳斌、彭玉麟、曾国荃、鲍超等水陆夹击，为逐层扫荡之计。先后复黟县、都昌、彭泽、东流、建德、休宁、徽州、义